

**AKT THEMELIMI DHE STATUTI
I SHOQËRISË ME PËRGJEGJËSI TË KUFIZUAR
"B.M.S Albania Motors" SHPK.**

**KREU I
Dispozita te Pergjithshme**

Sot, në datën ____/10/2021 (dymijë e njëzetënjë) personat e mëposhtem:

1. **Z.Bledar SEMANAJ**, atësia Fitim, i datëlindjes 24/01/1982, lindur dhe banues ne Tirane, shtetas shqiptar, madhor, me zotesine e plote per te vepruar, mbajtes i Leternjoftimit Nr. personal I20124070V;
2. **Z.Klaid BERBERI**, atësia Kujtim, i datëlindjes 24/09/1985, lindur dhe banues ne Tirane, Njesia Bashkiake nr.9, shtetas shqiptar, madhor, me zotesine e plote per te vepruar, mbajtes i Leternjoftimit Nr. personal I50924051T;

ne cilesine e "Ortakeve Themelues", me vullnet te lire te plote e te singerte, dhe inisiativen e lire private, mbeshtetur ne Kushtetuten e Republikes se Shqiperise, Kodin Civil ne fuqi, ligjin Nr. 9901 date 04.04.2008, " Per Tregtaret dhe Shoqerite tregtare" dhe ligjin Nr. 9723, date 03.05.2007 "Per Qendren Kombetare te Biznesit", vendosen te themelojne shoqerine tregtare, me pergjegjesi te kufizuar, me emertimin "B.M.S Albania Motors" SHPK.

**KREU II
Ortaket, Emri, Objekti, Kohëzgjatja dhe Zyra Qendrore**

**Neni 1
EMRI**

- 1.1 Shoqeria eshte e organizuar dhe funksionon sipas formes "shoqeri me pergjegjesi te kufizuar" dhe mban emrin "B.M.S Albania Motors" SHPK.
- 1.2 Kapitali i shoqërisë me përgjegjësi të kufizuar ndahet në një numër kuotash, në raport me kontributin e dhënë nga çdo ortak në shoqëri. Çdo ortak zotëron një kuotë të vetme në shoqëri.

**Neni 2
Objekti**

Shoqëria "B.M.S Albania Motors" SHPK do te kete objekt veprimtarie:

- Servis, tregtim pjese kembimi makinash, lyerje makinash, dhenia me qira e automjeteve, gomisteri, dhenie me qira e pasurive te luajteshme apo paluajteshme, sherbim karroatreci, dhe çdo sherbim tjeter te ngashem me to.
- Hapje dhe menaxhim baresh, kafe, restorantesh, hotelesh, fast-food, pasticeri etj
- Botime, libra, fletore, kartoleri si edhe cfaredo lloj qe ka lidhje me shtypshkrime e botime dhe tregtimin e tyre me shumice dhe pakice.



Eksportimi dhe importimi i makinerive, makinave, pjeseve te kembimit si dhe transportimi i produkteve te tjera pa kufizim brenda dhe jashte territorit te Republikes se Shqiperise.

- Veprimtari ne fushen e ndertimit si studimi, projektimi dhe ndertimi i ndertesave publike dhe private, rrugeve, urave, traseve hekurudhore, veprave bonifikuese e ujore, veprave te artit, centraleve, objekteve turistike, te kultit, hidrocentraleve, ujesjelles, porte, ndertesa industriale dhe realizimi i studimeve urbane, sistemeve hidraulike dhe hidrosanitare, teknologjike, ndertime civile, industriale, ekonomike, teknologjike, energjitike, si dhe te gjitha restaurimet dhe rikonstruksionet ne pergjithesi, ndertime te veprave te ndryshme, perfshire kanalizimet dhe ujesjellesat, vepra kullimi, ujitje toke e impiante vaditese etj;

- Ndertim, montim dhe rikonstruksion i objekteve dhe veprave te cfaredollojshme, industriale, turistike, civile. Asflatim rruges, punime bonifikimi. Prodhim i materialeve te ndertimit si dhe transport i tyre.

- Studim, projektim, prodhim, montim, tregtim dhe zbatim i sinjalistikes rrugore vertikale dhe horizontale, ndricuese dhe jondricuese, vijeze, barriera rrugore etj;

- Import-eksport dhe tregtimi me shumice dhe pakice i mallrave ushqimore pa kufizim te cdo lloj, artikujve makinerive, industriale, impianteve, mjeteve makinerive, pjeseve te kembimit, elektro-shtepiake, elektronike, elektrike, mekanike, kompjuterike, hidrosanitare, hidraulike, qeramike, qelqi, artizanati, duralumini, lendeve te para, lendeve te ndertimit, pllakave te lendes drusore te perpunuar dhe paperpnuar, mobiljeve, kancelarise, bojrave, aparturave kopjuterike dhe dixhitale, materialeve e lendeve te para te gjitha llojeve, materialeve e lendeve plastike, gome, hekuri, kimike e nenprodukte te tyre, linjash e makinerish ne fushen e prodhimit, perpunimit, transportit, ndertimit, serviseve, artikujsh e produktesh ushqimore, buqesore, blegtorale si dhe cdo lloj malli tjetër pa kufizim, te pacituar me larte. Ne fushen e ndertimit ne pergjithesi dhe ne vecanti ne fushen e ndertimit te rrugeve, autostradave, urave, tuneleve, minierave, hidrocentraleve, ujesjellsave, rikonstisione, mirembajtje. Ne fushen e transportit me mjetet e vete shoqerise ose per llogari te te treteve. Ne fushen e dhenies dhe marrjes me qira te mjeteve dhe makinerive ne fushen e ndertimit.

- Import export i pijeve alkolike, vererave, likernave te cdo lloj pijeje tjetër pa kufizim, qe lejohet nga legjislacioni shqiptar ne fuqi. Gjithashtu shoqeria mund te kryej gjithashtu:

- Shitblerje dhe dhënia me qira e pasurive te paluajshme;

Gjithashtu shoqeria mund te ushtroj edhe cdo lloj aktiviteti tjetër te pashprehur me siper, qe lejohet nga legjislacioni shqiptar ne fuqi.

Neni 3

Kohëzgjatja

3.1 Shoqeria do te ushtroje aktivitetin e saj per nje afat te pakufizuar, me perjashtim te rastit kur Asambleja e Ortakeve, sipas kuorumit perkates vendos ndryshe.

3.2 Shoqeria "B.M.S Albania Motors" SHPK gezon statusin e personit juridik shqiptar nga momenti i regjistrimit si e tille ne regjistrin tregtar te QKB-se.

Neni 4

Zyra Qendrore

- 4.1 Zyra qendrore e shoqërisë ndodhet ne adresën : Njesia bashkiake nr 6, Rruga e Kavajes, Zona Kadastrale Nr 8240, Godina A, brenda ish Kombinatit “Misto Mame”.
- 4.2 Gjate veprimtarise se saj, shoqeria ka te drejte te krijojë dhe hape dege, filiale dhe/ose zyra perfaqesimi edhe ne qytete te tjera, brenda dhe/ose jashte territorit te Republikës se Shqiperise, ne perputhje me legjislacionin e kerkuar ne fuqi sipas juridiksionit te vendit perkates.

KREU III

Neni 5

Vlera dhe pagesat e kapitalit te regjistruar

- 5.1 Kapitali i regjistruar i shoqerise është **1.000 Lek** (njemije lek), i barabarte me 2 (dy) kuota. Kontributet e ortakeve perbejne kapitalin e regjistruar te shoqerise.
- 5.2 Pjesëmarrja e Ortakut në kapitalin e shoqërisë eshte ne raport me kontributin e derdhur prej tij dhe vlera nominale e kuotes te seicilit ortak, llogaritet ne raport me seicilin kontribut, e paraqitur ne menyre te permbledhur sipas grafikut te meposhtem:

Nr.	Emri i Ortakeve	Kuota	Kontributi i ortakeve ne kapital (leke)	Perqindja ne kapital
1.	Z.Bledar SEMANAJ	1	500	50
2.	Z.Klaid BERBERI	1	500	50
Totali		2	1.000	100 %

- 5.3 Kontributet sa me siper jane nenshkruar dhe shlyer plotesisht nga ana e ortakut te vetem te shoqerise.

Neni 6

Zmadhimi dhe Zvogëlimi i Kapitalit Themeltar

6.1 Asambleja e Përgjithshme, me shumicë të kualifikuar, mund të zmadhojë kapitalin themeltar të shoqërisë duke rritur kuotat e ortakëve ekzistues në shumën e përcaktuar në vendimin përkatës. Zmadhimi i kapitalit me qëllim pranimit të ortakëve të rinj në shoqëri, miratohet nga Asambleja e Përgjithshme me shumicën e kualifikuar (tre të katërtat) të votave të ortakëve në përputhje me parashikimet e nenit 87 të Ligjit.

6.2 Shoqëria mund të vendosë zvogëlimin e kapitalit themeltar te shoqërisë me vendimin e Asamblesë së Përgjithshme, të marrë me shumicën e kualifikuar të votave (tre të katërtat) në përputhje me parashikimet e nenit 87 të Ligjit, duke pasur parasysh qe te respektohet minimumi i parashikuar nga Ligji per Shoqerite Tregtare.

KREU IV

Neni 7

Transferimi i Kuotave

- 7.1 Transferimi (përfshirë shitje dhe ose dhurimin dhe ose cedimin dhe ose kalimin) inter vivos të kuotave të shoqërisë tek pale të treta i nënshtrohet të drejtës së parablerjes në favor të ortakeve të tjera ekzistues, të cilët mund ta ushtrojnë këtë të drejtë sipas kushteve të parashikuara në nenin 7.2 më poshtë.
- 7.2 Në rast se një ortak (ketej e tutje i quajtur Ofruesi) kërkon të transferojë disa ose të gjitha kuotat ose kontributet e zotëruara prej tij në shoqëri, ortakët e tjere (ketej e tutje të quajtur Ortaket e tjere) gëzojnë të drejtën e parablerjes mbi kuotat që ofrohen për transferim (ketej e tutje të quajtur Kuotat e ofruara), sipas afateve dhe kushteve të mëposhtme:
- a. Ofruesi do të dergojë fillimisht ortakeve të tjera ekzistues një njoftim me shkrim (postë rekomandë) ku të përcaktohet numri i kuotave të ofruara, si dhe cmimin e kuotave të ofruara, emrin e blerësit dhe kushtet e tjera kontraktuale të transferimit (ketej e tutje referuar si oferta) duke ftuar së pari ortakët ekzistues të blejnë këto kuota të ofruara.
 - b. Ortaket e tjere kanë të drejtë të blejnë kuotat e ofruara sipas kushteve të ofertes, në përpjestim me përqindjet e zotëruara e zotëruara, duke i dërguar një njoftim me shkrim ofruesit brenda një afati 30 ditor pas marrjes së njoftimit të ofruesit me postë rekomandë.
- 7.3 Në rast se një apo disa nga ortakët ekzistues nuk përgjigjen gjatë afatit të mesipërme apo përgjigjen në mënyrë negative, atëherë ofruesi është i lirë në transferimin e kuotave në favor të paleve të treta pa kufizim, me kushte të njëjta si ato të parashikuara në ofertën e mesipërme.
- 7.4 Parashikimet sa më sipër nuk zbatohen në rastin kur kuotat transferohen ndërmjet ortakeve ekzistues apo tek personat e paralindur apo paslindur në vijë të drejtë të ortakeve ekzistues (fëmijë, bashkeshortë).

Neni 8

Kalimi i kuotave me Trashëgimi ose si pasojë e Falimentimit

- 8.1 Nëse një ortak vdes, trashëgimtari ose trashëgimtarët në rastin e bashkëzotërimit të kuotave, dhe trashëgimtarët e tij në rast se ky person ishte zotëruar ose trashëgimtar i vetëm i bashkëzotëruesve të kuotave, do të jenë personat e vetëm të njohur nga shoqëria si gëzues së të drejtave mbi kuotën e tij; pavarësisht parashikimeve të këtij Statuti, pasuria e ortakut të vdekur nuk çlirohet nga përgjegjësia në lidhje me kuotën e zotëruar nga ai vetëm apo së bashku me persona të tjerë.
- 8.2 Personi që fiton të drejtën mbi një kuotë si pasojë e vdekjes ose falimentimit të



një ortaku, pas paraqitjes së provave të kërkuara nga Administratori, mund të zgjedhë të bëhet zotërues i kuotës ose të kërkojë nga shoqëria likuidimin e saj, në vlerë të percaktuar nga ekspert perkates.

Kreu IV Asambleja e Përgjithshme

Neni 9

Kompetencat dhe Thirrja e Asamblese se Përgjithshme

- 9.1** Asambleja e Përgjithshme është organi më i lartë vendimarrës i Shoqërisë. Asambleja e Përgjithshme do të vendosë, por pa u kufizuar, për çështjet e mëposhtme të Shoqërisë:
- a. percaktimi i politikave tregtare;
 - b. ndryshime të Statutit;
 - c. emerimi dhe shkarkimi i administratorit/administratoreve;
 - d. emerimi dhe shkarkimi i likuiduesve dhe i eksperteve kontabel të autorizuar;
 - e. miratimi i skemës së shperblimeve për personat e përmendur në shkronjat c. dhe d.;
 - f. mbikeqyrja e zbatimit të politikave tregtare nga ana e administratorit/administratoreve, duke përfshirë përgatitjen e pasqyrave financiare vjetore dhe raporteve mbi ecurinë e aktivitetit të Shoqërisë;
 - g. miratimi i pasqyrave financiare vjetore dhe i raporteve mbi ecurinë e aktivitetit të Shoqërisë;
 - h. zmadhimi ose zvogelimi i kapitalit;
 - i. pjesëtimi i kuotave dhe anulimi i tyre;
 - j. përfaqësimin e shoqërisë në gjykime dhe në procedime të tjera kundër administratorit/administratoreve të saj;
 - l. riorganizimi dhe prishja e Shoqërisë;
 - m. miratimi i rregullave procedurale të mbledhjeve të saj;
 - n. çështje të tjera të parashikuara nga Ligji për Shoqëritë Tregtare dhe Statuti.

Nëse shoqëria mbetet me një ortak, atëherë ortaku i vetëm detyrohet ta regjistrojë këtë fakt, sipas nenit 43, të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar. Nëse ortaku i mbetur nuk përmbush këtë detyrim, atëherë ortaku përgjigjet personalisht për detyrimet që shoqëria merr përsipër nga data në të cilën duhet të ishte kryer regjistrimi, sipas këtij neni, deri në datën në të cilën ky regjistrim u krye efektivisht."

- 9.2** Asambleja e Përgjithshme merr vendime për çështjet e përmendura në pikat (g) dhe (h) me siper pas shqyrtimit të dokumentacionit perkates të dërguar me thirrjen e mbledhjes së asamblese se përgjithshme.
- 9.3** Mbledhja e Asamblesë së Përgjithshme thirret nga administratori apo ortakët e minorancës sipas dispozitave të ligjit për shoqëritë tregtare në fuqi nëpërmjet një njoftimi me leter rekomande me njoftim marrje të dërguar në adresën e ortakeve apo poste elektronike (email) (adresa të depozituara rregullisht nga ortakët pranë administratorit dhe email të pasqyruar në ekstraktin e shoqërisë në të dhenat vullnetare të tij të pakten 7 dite përpara mbledhjes). Njoftimi duhet të kryhet të



paktën 7 (shtatë) ditë të plota përpara datës së caktuar për mbledhjen përveç rasteve kur njoftimi i mbledhjes së Asamblesë së Përgjithshme i cili përmban një afat më të shkurtër është miratuar nga të gjithë ortakët që zotërojnë 100% të kapitalit të shoqërisë.

- 9.4 Njoftimi për thirrjen e Asamblesë duhet të përmbajë në mënyrë të qartë datën, ditën, kohën, vendin dhe rendin e ditës të mbledhjes, së bashku me dokumentacionin përkatës dhe do t'u dërgohen të gjithë Ortakëve të Shoqërisë të paktën 7 (shtatë) ditë përpara mbledhjes.

Në rast ndryshimi të rendit të ditës, do të ndiqet e njëjta procedurë njoftimi që përkruhet më sipër.

Neni 10

Kuorumi i nevojshëm

- 10.1 Në rastin e marrjes së vendimeve të zakonshme, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë dhe janë të pranishëm qofte dhe nepermjet përfaqësuesve të autorizuar, ortakët me të drejtë vote, të cilët zotërojnë jo më pak se 51 për qind të kapitalit të shoqërisë.
- 10.2 Në rastin e marrjes së vendimeve të jashtëzakonshme, që kërkojnë një shumicë të kualifikuar sipas nenit 87 të ligjit "Për Tregtarët dhe Shoqëritë Tregtare", asambleja e përgjithshme mund të marrë vendime të vlefshme nëse marrin pjesë dhe janë të pranishëm qofte dhe nepermjet përfaqësuesve të autorizuar, ortakët me të drejtë vote, të cilët zotërojnë jo më pak se 51 për qind të kapitalit të shoqërisë.
- 10.3 Nëse asambleja e përgjithshme nuk mund të mbledhet për shkak të mungesës së kuorumit të përmendur më lart, asambleja mbledhet përsëri jo më vonë se 30 ditë, me të njëjtin rend dite.

Neni 11

Marrja e vendimeve

- 11.1 Asambleja e Përgjithshme mund të marrë vendime të jashtëzakonshme me anë të votes pro të një shumice prej 3/4 të ortakëve pjesëmarrës në mbledhjen e asamblesë së përgjithshme rregullisht të mbledhur për çështje të rëndësishme që kanë të bëjnë me ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë etj.
- 11.2 Asambleja e Përgjithshme mund të marrë vendime të zakonshme me anën e votes pro të shumicës të ortakëve pjesëmarrës në mbledhjen e asamblesë së përgjithshme, rregullisht të mbledhur, dhe vecanerisht mbi çështjet e mëposhtme:
- a) përcaktimi i politikave tregtare të shoqërisë;
 - b) emërimin dhe shkarkimin e administratorëve;
 - c) emërimin e shkarkimin e likuiduesve dhe të ekspertëve kontabël të autorizuar;
 - ç) përcaktimin e shpërblimeve;
 - d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;

- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve të asamblesë;

- 11.3** Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.
Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.
Autorizimi jepet në formë shkresore vetëm për një mbledhje të asamblesë së përgjithshme dhe është i vlefshëm edhe për mbledhjet vijuese me të njëjtin rend dite.
- 11.4** Kryetari i mbledhjes së asamblese së përgjithshme do të jetë administratori i shoqërisë i cili do të drejtojë mbledhjen dhe asambleja e përgjithshme në çdo mbledhje të saj do të emerojë me shumicë të thjeshtë të votave të ortakëve pjesëmarrës edhe një person tjetër për të mbajtur proces-verbalin e mbledhjes së asamblese së përgjithshme.
- 11.5** Çdo vendim i mbledhjes së asamblese së përgjithshme do të regjistrohet në proces-verbal, i cili do të mbahet në përputhje me nenin 90 të ligjit Per Tregtarët dhe Shoqëritë Tregtare.

Neni 12

Votat e Ortakëve

- 12.1** Çdo ortak ka të drejta vote në përpjesëtim me vlerën nominale të kuotës së tij. Bashkëzotëruesit e një kuote ushtrojnë të drejtat e votës bashkërisht, sipas nenit 72 të ligjit për shoqëritë tregtare në fuqi.
- 12.2** Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.

Kreu V Administratori

Neni 13

Emërimi i Administratorit

- 13.1** Asambleja e Përgjithshme zgjedh një ose më shumë persona fizikë si Administratorë të shoqërisë për një periudhë pesëvjeçare, në pajtim me parashikimet e shkronjës "c" të pikës 1 të nenit 81 dhe nenit 95 të Ligjit. Emërimet do të jenë individuale dhe sipas një vendimi të marrë me shumicën e votave të ortakëve në Asambleja e Përgjithshme, i cili, nëse miratohet, sjell emërimin e personit të propozuar si Administrator.
- 13.2** Personi i mëposhtëm caktohet si Administrator i shoqërisë **"B.M.S Albania Motors" SHPK.:**
Z.Klaid BERBERI, atësia Kujtim, i datëlindjes 24/09/1985, lindur dhe banues në Tiranë, Njesia Bashkiake nr.9, shtetas shqiptar, madhor, me zotesinë e plote për të vepruar, mbajtes i Leternjoftimit Nr. personal



150924051T, per nje afat 5 vjecar, nga momenti i regjistrimit te ketij fakti prane Qendres Kombetare te Biznesit.

Neni 14

Kompetencat e Administratorit

- 14.1** Politikat tregtare të shoqërisë si dhe aktiviteti normal i saj do të administrohen nga Administratori i cili mund të ushtrojë të gjithë kompetencat që nuk i rezervohen Asamblesë së Përgjithshme sa me sipër dhe ligjit tregtar në fuqi.
- 14.2** Pa u kufizuar sa më sipër, në mënyrë të veçantë, Administratori ka këto kompetenca:
- (i) do të drejtojë dhe të përfaqësojë Shoqërinë për sa i përket administrimit të zakonshëm;
 - (ii) do të nënshkruajë çdo marrëveshje në emër të Shoqërisë;
 - (iii) do të hapë llogari në emër të Shoqërisë me çdo bankë që kryen aktivitet në Shqipëri ose jashtë saj,
 - (iv) do të përgatitë të gjitha planet për marrjen e financimeve, do të nënshkruajë çdo kontratë huaje apo kontratë tjetër që parashikon një borxh apo borxh të mundshëm për Shoqërinë, hipotekë, peng apo çdo marrëveshje tjetër që krijon apo mund të krijojë një barri mbi pasuritë e Shoqërisë, marrëveshje garancie, kontratë për shitjen e pasurive të paluajtshme apo të luajtshme të Shoqërisë. Të gjitha veprimet e parashikuara këtu (pika iv) do të jenë të vlefshme nëse janë të autorizuar shprehimisht me anë të një Vendimi të Asamblesë së Përgjithshme të marrë me shumicë unanime;
 - (v) do të urdherojë dhe kryejë pagesa në emër të Shoqërisë – duke nënshkruar dokumentet / instrumentet e pagesave;
 - (vi) do të kujdeset për mbajtjen e saktë e të rregullt të dokumenteve dhe të librave kontabel të Shoqërisë;
 - (vii) do të përgatitë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, ia paraqet për miratim Asamblesë së Përgjithshme;
 - (viii) do të krijojë një sistem monitorimi dhe paralajmërimi njoftimi të hershëm për rrethanat që kërcenojnë ekzistencën e Shoqërisë;
 - (ix) do të kryejë regjistrimet e publikimet e detyrueshme të të dhënave të Shoqërisë, sipas kërkesave të Ligjit nr. 9723, datë 3 Maj 2007 “Për Qendrën Kombëtare të Regjistrimit”;
 - (x) do t’i raportojë Asamblesë së Përgjithshme për zbatimin e politikave tregtare dhe për realizimin e veprimeve më të rëndësishme të veçantë për veprimtarinë e Shoqërisë;
 - (xi) do të përgatitë të gjitha planet për zhvillimin dhe operimin e Hidrocentraleve;
 - (xii) do të marrë në punë, emerojë, shkarkojë të punësuar të Shoqërisë për çdo nivel, përfshirë edhe të punësuar me kohë të pjesshme, konsulentë,



- agjente, do te percaktoje kompetencat dhe detyrat e tyre, si dhe do te percaktoje shperblimin e tyre;
- (xii) te kryeje detyra te tjera, te percaktuara ne Ligjin per Shoqerite Tregtare, duke pasur parasysh respektimin ne cdo rast te kufizimeve te parashikuara nga ky Statut, si dhe detyrat e dhena me Vendim te Asamblese se Pergjithshme.
- (xiii) Do te administroje adresat dhe kontaktet e ortakeve (tel, email). Ne cdo rast ortaket jane te detyruar qe menjehere pas cdo azhornimi te kontakteve te tij (nr.tel, email, adrese shtepie) te njoftoje administratorin me shkrim, ne te kundert mban pergjegjesi per cdo dem te shkaktuar nga mosnjoftimi ne kohe.

Asambleja e pergjithshme, ne baze te njeh vendimi te marrë me shumicën e percaktuar sa me siper, ka te drejte te ngrejë padi përpara gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjit ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.

Neni 15 **Skualifikimi dhe Shkarkimi i Administratorit**

Detyra e Administratorit përfundon në rast se:

1. personi nuk është më Administrator sipas parashikimeve të Ligjit përfshirë edhe parashikimet e pikës 6 të nenit 95 të Ligjit;
2. personi vuan ose mund të vuajë nga çrregullime mendore;
3. ndodhet ose mund te ndodhet ne kushtet e pa-afetise fizike;
4. jep doreheqje nga detyra duke njoftuar shoqerine;
5. vdekjeje;
6. ndodhet ne situata apo rrethana te cilat e bejne te pamundur ushrimin e detyrave te tij;

Neni 16 **Kufizimet në Veprimet e Administratorit**

- 16.1** Administratori nuk do të lidh marrëveshje për çështje në të cilin ai ka, direkt ose indirekt, një interes apo detyrim i cili është material, që është apo mund të jetë në kundërshtim me interesat e shoqërisë, në pajtim me nenin 13 të Ligjit per shoqerite tregtare, deri në momentin kur Asambleja e Përgjithshme e shoqerise, ne baze te kuorumit te kerkuar, autorizo lidhjen e kësaj marrëveshje.
- 16.2** Autorizimi mund të jetë i përgjithshëm ose i posaçëm për një çështje të caktuar. Autorizimi i përgjithshëm duhet të regjistrohet pranë Qendrës Kombëtare të Regjistrimit.

Kreu VI **Prishja dhe njoftimet**

Neni 17

17.1 Shkaqet e prishjes së shoqërisë



Shoqëria me përgjegjësi të kufizuar prishet:

a) kur mbaron kohëzgjatja, për të cilën është themeluar;

b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;

c) në rast se objekti bëhet i perealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;

ç) në rastet e pavlefshmërisë së themelimit të shoqërisë, të parashikuara nga neni 3/1 të ligjit për shoqëritë tregtare;

d) në raste të tjera, të parashikuara në statut;

dh) në raste të tjera, të parashikuara me ligj;

e) për çdo shkak tjetër të vendosur nga asambleja e ortakëve.

17.2 Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar së votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.

17.3 Administratori është i detyruar të regjistrojë prishjen e Shoqërisë në QKR, me përjashtim të rastit kur prishja bëhet me vendim gjykate; në këtë rast është gjykata që i dërgon njoftimin QKR-se.

Neni 18 **Njoftimet**

18.1 Njoftimet e kryera nga çdo person sipas parashikimeve të Statutit, duhet të jenë me shkrim ose (nëse zbatohet) nëpërmjet komunikimit elektronik në adresën e parashikuar sipas pikës 3 të nenit 4 të këtij Statuti dhe janë të vlefshme në lidhje me kohën e njoftuar për këtë qëllim dhe personin që kryen njoftimin.

18.2 Shoqëria mund të njoftojë një ortak personalisht ose duke e dërguar njoftimin me letër porosi me kthim përgjigje në adresën e regjistruar të ortakut ose në adresën apo postën elektronike (nëse ka) që i është njoftuar shoqërisë nga ortaku. Kur ka disa bashkëzotërues të një kuote, të gjitha njoftimet i jepen përfaqësuesit të tyre të përbashkët në përputhje me pikën 2 të nenin 72 të Ligjit.

Neni 19 **Te Ndryshme**

19.1 Çdo dokument që leshohet për dhe në emër të shoqërisë është i pavlefshëm nëse nuk mban vulën e saj.



- 19.2 Te gjitha marredheniet e punes ne shoqeri rregullohen me Kodin e Punes dhe cdo akt tjeter ligjor dhe nenligjor te zbatueshem te Republikes se Shqiperise, ne fuqi dhe ne veprim kohe pas kohe gjate periudhes se ushtrimit te aktivitetit te saj tregtar.
- 19.3 Viti financiar zgjat 12 (dymbedhjete) muaj, duke filluar më 1 Janar dhe mbaron më 31 Dhjetor të cdo viti.
- 19.4 Ne fund te cdo viti financiar, Administratori harton bilancin vjetor dhe raportin e administrimit, te cilet i dergohen per miratin Asamblese se zakonshme.
- 19.5 Per te gjitha ceshtjet qe nuk jane parashikuar ne kete Statut, do te zbatohen parashikimet e Ligjit per Shoqerite Tregtare ne fuqi, te azhornuar.

NENI 20


Dispozita perfundimtare

- 20.1 Ky statut perben dokumentin e vetem te shoqerise qe parashikon themelimin dhe organizimin e veprimtarise se shoqerise. Ky Statut mund te ndryshohet, rishikohet dhe/ose shfuqizohet pjesisht ose teresisht dhe te zevendesohet me nje statut te ri vetem me vendim te Asamblese se Pergjithshme te Ortakeve sipas shumices se cilesuar te percaktuar me siper.
- 20.2 Per sa nuk eshte parashikuar ne kete statut, ortaket do ti referohen legjislacionit tregtar Shqiptar ne fuqi si dhe praktikave tregtare ne vend.

Ky statut u redaktua ne 4 ekzemplare, me permbajtje dhe vlera te njejte juridike, ne gjuhen Shqip dhe u nenshkrua nga palet pa asnje rezerve.

ORTAKET THEMELUES

Z.Bledar SEMANAJ



Z.Klaid BERBERI

